

खबरां

- विदेश मंत्री डा. एस. जयशंकर होरें आखेआ ऐ कि भारत नै अपनी नागरिकें दी सुरक्षा लेई 26 मुल्खें कन्नै 28 समझौतें पर दस्तखत कीते न।
- यूरो बैंक नै यूनान थमां भारत च पैहे दे भुगतान गितै यूपी.आई सेवा शुरू कीती ऐ।
- रक्षा मंत्री राजनाथ सिंह होरें आखेआ ऐ कि इक निग्गर अर्थबवस्था गै मजबूत रक्षा क्षमताएं दी बुनियाद ऐ।
- जनरल धीरज सेठ होरें अज्ज भारत दे 31में सेनाध्यक्ष दे रूपै च अपना कम्मकार साम्भी लैता ऐ।
- दिल्ली सने 4 राज्यें च मतदाता सूचिएं दी नमें सिरेआ नजरसानी आहली एस.आई.आर प्रक्रिया अज्जै थमां शुरू होई गेई ऐ।
- भारत नै एफ.ए.टी.एफ गी काले धन ते आतंकवाद लेई पैहा मुहैया कराने पर रोक लाने दी लड़ाई दा अनव्रुट्ट हिस्सा करार दिता ऐ।
- मौसम विभाग नै अगले दो-त्रै दिनें दरान मुल्खे दे केई सारे हिस्सें च भारी बरखा दी पेशनगोई कीती ऐ।

<><><><><><>

Jaishakar

विदेश मंत्री डा. एस जयशंकर होरें अज्ज नमीं दिल्ली च आयोजित ह्यूमन रिसोर्स मोबिलिटी फोरम दी बैठका च जानकारी दिती जे भारत ने सुरक्षित, बवस्थित ते कनून प्रवासन गी बढ़ावा देने लेई 26 कोला मते मुल्खें कन्नै 28 सांझेदारी समझौतें पर दस्तखत कीते न जिंदा मकसद भारती विद्यार्थिएं, पेशेवरें ते कम्मगारें लेई अंतरराष्ट्री स्तरें पर वैध मौके जकीनी बनाना ते उंदी समर्थ गी सेही मंग कन्नै जोड़ना ऐ। उनें मनुक्खी तस्करी, गैर कनूनी तौरा पर विदेशें च जाने ते धोखाधड़ी करने आहले एजेंटें खलाफ कुल संसारी सतह पर कार्रवाई करने पर बी जोर दिता।

<><><><><><>

West Asia Situtation

पच्छिम एशिया च तनोतनी घट्ट करने लेई चलै करदे कूटनीतिक जत्नें च रूकावट आवा'रदी ऐ। दोहा च होने आहली अगड़े गेड़ दी गल्लबात गी लेइयै अमरीका ते ईरान बक्खरे-बक्खरे बयान देआ' रदे न। अमरीका दे राष्ट्रपति डानल्ड ट्रम्प हुंदे आसेआ दोहा

च नमीं गल्लबाट कराए जाने दी सारत दे बाद अमरीका ईरन सरबंघें दे भविकख गी लेइयै यक्को-तककी बधी गई। अजें कि ईरान नै इस दावे गी तगड़ेयाई कन्नै खारज करदे होई आखेआ ऐ कि फिलहाल अमरीका कन्नै कुसै बी चाल्ली दी गल्लबाट दी कोई योजना नैई ऐ। ईरान दे अधिकारिणं दा आखना ऐ कि अजें उंदा ध्यान 14 सूत्री समझौते गी लागू करने पर ऐ जेहदे मगरा ओह कुसै व्यापक या मुकदे समझौते बारे चर्चा करने पर विचार करंगन। ईरान दे राष्ट्रपति मसूद पजेशकियन होरें इब्बी साफ कीता ऐ कि ईरान अपने वायदें गी तदूं गै पूरा करग जिसलै अमरीका बी अपनियां जिम्मेदारियां पूरी चाल्ली निभाग।

<><><><><><>

Pak. Afghan Strike

संयुक्त राष्ट्र च अफगानिस्तान दे स्थाई मिशन नै पूर्वी अफगानिस्तान दे पिक्तिया, पक्तिका ते कुनार प्रांतें च पाकिस्तान आसेआ कीते गेदे घातक ब्हाई हमलें दी जबरदस्त निंदेआ कीती ऐ। इन्हें हमलें च महिलाएं ते बच्चें समेत दर्जनें साबबै लोकें दी मौत होई गई ऐ जिसी अफगानिस्तान नै अपने अंतरराष्ट्री अधिकारें दी ते कन्नै अपन सम्प्रभुता दी खलाफवर्जी करार दिता ऐ। 28 जून गी राती लै पाकिस्तान आसेआ कीते गेदे ब्हाई हमलें च घटोघट्ट 36 नागरिकें दी मौत होई गई ही ते 163 लोक घायल होई गे हे।

<><><><><><>

India-Venezuala Aid

भारत आप्रेशन अमिस्ताद तैहत भूंचाल प्रभावित वेनेजुएला गी मानवी सहायता उपलब्ध करदा करदा ऐ। विदेश मंत्रालय नै आखेआ ऐ कि भारत नै इस कुदरती करोपी सवा प्रभावित लोकें लेई डाक्टरी सहायता ते आपातकालीन यानि इमरजेंसी सहायता पर चेचा ध्यान दिंदे होई राहत कम्में च विस्तार कीता ऐ। मंत्रालय नै आखेआ ऐ कि भारती बचाव दल ते डाक्टरी सहायता दल वेनेजुएला दे अधिकारिणं कन्नै मिलियै इमरजेंसी सेहत सेवा उपलब्ध करा करदे न। जियां जे पैहले बी खबर दिती जाई चुकी दी ऐ भारत फौज दा फील्ड अस्पताल उत्थै दिन-रात 24 घंटे इलाज मुआलजे दी सेवा उपलब्ध करा करदा ऐ ते राहत कम्में लेई भारती ब्हाई फौज नै अपने सी-17 ग्लोबमास्टर जहाज राएं 41 मिम्बरी टीम ते 30 अन राहत सामग्री ते 6 टन दोआइयां ते इलाज च इस्तेमाल होने आहले उपकरण भेजे न।

<><><><><><>

यूरो बैंक नै यूनान थमां भारत च बन्ने पार पैहे दे भुगतान गितै यूपीआई सेवा शुरू कीती ऐ। एह पैहल बैंक ते नेशनल पेमेंट्स कार्पोरेशन पेमेंट्स लिमिटेड दे रणनीतिक सहयोग दा हिस्सा ऐ। इस बारे जानकारी सांझी करदे होई उद्योग ते बपार मंत्री पीयूष गोयल होरें इक सोशल मीडिया पोस्ट च आखेआ जे यूरो बैंक च सेवाएं दा उद्घाटन भारत दे डिजिटल अदायगी आहले तंत्र दे वैश्विक विस्तार च इक महत्वपूर्ण मील दा पत्थर ऐ। उनें आखेआ कि यूनान च यूपीआई दे शुरू होने कन्ने ग्राहक तुरत सुरक्षित ते निर्विघ्न रूप कन्ने पैहे दा लैन-देन करी सकदे न। एहदे नै लैन-देन लागत बी बनिस्वतन घट्ट होई गई ऐ। यूपीआई दी बधदी लोकप्रियता दी सराहना करदे होई गोयल होरें आखेआ कि एह प्रधानमंत्री मोदी हुंदे उस नजरिए गी बी दर्शादा ऐ जेदे तैहत समस्याएं दे टेक्नालजी आधारित नबेड़े कीते जांरदे न।

<><><><><><>

Guj. Rajnath

रक्षामंत्री राजनाथ सिंह होरें अज्ज गुजरात दे बडोधरा च वाइब्रेट गुजरात क्षेत्रीय सम्मेलन दे समापन समारोह गी संबोधित करदे होई आखेआ ऐ कि इक निगगर अर्थबवस्था गै मजबूत रक्षा क्षमताएं दी बुनियाद ऐ। उनें इस गल्लै पर जोर दितता कि मजबूत अर्थबवस्था, तकनीकी छमता ते राश्ट्री सुरक्षा कुसै बी म्हान देश दे सब्भनें शा मजबूत थम्म न। रक्षा मंत्री होरें दस्सेआ जे भारत दा घरेलू रक्षा उत्पादन 2014 दे करीब 46 जहार करोड़ रपे कोला बधियै एल्ले 1 लक्ख 78 जहार करोड़ दे रिकार्ड स्तरै पर पुज्जी गेदी ऐ।

<><><><><><>

Army Chief

जनरल धीरज सेठ होरें अज्ज भारती फौज दे 31में अध्यक्ष्य दे रूपै च अपना कम्मकार साम्भी लैता ऐ। ओह जनरल उपेंद्र द्विवेदी हुंदी थाहर इस औहदे पर आए न जेड़े अज्ज पिंशनी होई गेन। जनरल धीरज सेठ दिसंबर 1986 च आम्ड कोर च शामिल होए हे ते 1997 दे बाद ओह पैहले इस कोर दे अधिकार न जेड़े सेनाध्यक्ष बने न। उन्दे कश भारती सेना च सेवा देने दा 40एं बरें दा तजुर्बा ऐ। एहदे शा पैहले ओह भारती सेना दे उपाध्यक्ष यानि वाइस चीफ आफ आर्मी स्टाफ हे।

<><><><><><>

COAS

सेना प्रमुख जनरल उपेंद्र द्विवेदी होरें आखेआ ऐ जे भारती सेना गी ताकत कुसा इक्कले माहनू कोला नेई मिलदी सगुआं अपने जवानें, कमांडरें, साबका सैनिकें, उन्दे

परौआरें ते देश दे नागरिकें दे अटूट विश्वास थमां मिलदी ऐ। अज्ज नमीं दिल्ली च अपना पद छोड़ने दरान जनरल द्विवेदी होरें एह गल्ल आक्खी। उनें आखेआ जे 4 दाहकें थमां भारती सेना च सेवा देइये उनेंगी बड़ा फखर मसूस होआ'रदा ऐ ते एह उन्दे लेई बड़ी गै मानै आहली गल्ल ऐ। नमें सेना प्रमुख जनरल धीरज सेठ होरें गी कमांड सौंपदे होई उनें इस गल्ला पर विश्वास व्यक्त कीता जे सेना म्हेशां अपनी परम्पराएं गी कायम रक्खोग ते भविक्ख च कुसा बी चुनौती लेई तैयार रौहग।

<><><><><><>

Shiv Raj-V.B

राई-बाई ते करसानें दी भलाई बेहतरी सरबन्धी मंत्री शिवराज सिंह चैहान होरें आखेआ ऐ कि राई-बाई क्षेत्र दे विकास बाददे दे बगैरा भारत दे विकास दा सुखना सच नेई होई सकदा। अज्ज हरियाणा दे हिसार च खेत बनाओ अभिजान दे समापन समारोह गी संबोधित करदे होई चैहान होरें आखेआ कि सरकार इक मोबाइल ऐप विकसित करे करदी ऐ जेहड़ी मिट्टी दे नरोएपन ते मिट्टी च मजूद जरूरी तत्वें दी जांच परख करियें ओहदे च मजूद जरूरी तत्वें दे बारे च जानकारी उपलब्ध कराग। उनें करसानें दी देसी हैलें दा इस्तेमाल करने ते जैविक खेती अपनाने पर बी जोर दितां उनें आखेआ कि इस ऐप दी मदद कन्नै करसानें गी छड़ी उन्नी ते उड़यै खाद पानी पौहग जेहदे च ओह तत्व मजूद न जिंदी उस केहडे खेतर च लोड़ ऐ। उनें आखेआ कि रसैनी हैलें दी अन्नेवाह परतून कन्नै स्हाड़ी मिट्टी दा म्यार ते गुणवत्ता खराब होआ करदी ऐ। मंत्री होरें आखेआ जे रसैनी हैलें दे हर कोला मते इस्तेमाल कन्नै पैदा अनाज, फलें ते सब्जिएं राएं केई चाल्ली दियां बमारियां माहनू शरीर च पैदा होआ करदियां न। अलनीनो दे असर कारण हुन बरखा नेई होआ करदी। उनें आखेआ जे अपनी धरती ते अपने आप दी सुरक्षा लेई कुदरूत दा सयंतुलन बनाई रखना अत्त लाजमी ऐ।

<><><><><><>

GSTAT

सरकार नै जीएसटी अपील ट्रिब्यूनल दे सामने अपील करने दी खीरी तरीक 30 जून कोला बधाइयै 31 जुलाई करी दिती ऐ। केंद्री खजाना मंत्रालय मूजब पिछले बरे सितंबर च जारी अधिसूचना च अपील दायर करने दी खीरी तरीक इस बरे 30 जून तैह कीती गई ही। बक्ख-बक्ख हितधारकें जीएसटी अपील ट्रिब्यूनल च अपील दाखल करने दी भारी गिनतरी कारण आवै करदिएं दिक्कतें दा हवाला दिता हा जिसी ध्यानै च रखदे होई इक-इक म्हीने लेई अगड़े पाया गोआ ऐ। सरकारै लोकें अगगे अपील कीती ऐ कि उंदी सुविधा लेई अपील दाखल करने लेई इक म्हीने दी सीमा बधाइ गई ऐ ते जिन्ना तौले

होई सकै ओह अपनी अपनी अपील दाखल करी लैन ना कि एहदे लेई तैह खीरी तरीक
गी बलगदे रौहन।

<><><><><><>

SIR-electoral Rolls

दिल्ली सने 4 राज्यें च मतदाता सूचिएं दे विशेष गहन पुनरीक्षण प्रक्रिया अज्जै थमां
शुरू होई गई ऐ। दिल्ली च घर-घर जाइये मतदाताएं गी मतदाता गणना फार्म बंडडने दा
कम्म शुरू कीता जा' रदा ऐ। इस प्रक्रिया दे अंतर्गत 13 जहार शा मते बूथ स्तरीय
अधिकारी-बी.एल.ओ अगले म्हीने दी 29 तरीक धोड़ी घर-घर जाइये सब्भने मौजूदा
मतदाताएं गी पूर्व मुद्रित गणना फार्म दी दो प्रतियां बंडडन तां जे मतदाता सूची दा
सत्यापन कीता जाई सकै। इस्सै चाल्ली कर्नाटक च बी बी.एल.ओ. विशेष गहन
पुनरीक्षण एसआईआर दे तैहत घरें दा दौरा करा'रदे न। इस कम्मै लेई राज्य भर दे
सबबै 31 जिला निर्वाचन दफतरें च 59 जहार शा मते बीएलओ तैनात कीते गेदे न।
मेघालय ते झारखंड च बी विशेष गहन पुनरीक्षण दा कम्म जारी ऐ। मेघालय दे पूर्वी
खसी हिल्स दे डिप्टी कमिशनर अभिलाश बरनवाल नै दस्सेआ ऐ जे 1 जहार 21 बूथ
स्तरीय अधिकारी बीएलओ जिले दे सबबै 1 जहार 21 मतदान केंद्रें पर 29 जुलाई धोड़ी
घरें दा दौरा करंगन। झारखंड दे मुख निर्वाचन पदाधिकारी के. रवि कुमार होरे दस्सेआ
जे इस अभियान दा मकसद मतदाता सूची गी पूरी चाल्ली शुद्ध, पारदर्शी ते विजन कुसै
गलती आहला बनाना ऐ। उनें वोटरे गी अपील कीती जे फार्म हासल होने पर जरूरी
जानकारी भरिए दस्तखत सने तौले शा तौले बीएलओ गी वापस करन।

<><><><><><>

India-FATF

भारत नै माली कारवाइएं सरबन्धी कार्जबल एफ.ए.टी.एफ गी आतंकवाद लेई रपेआ-पैहा
उपलब्ध कराने ते काले धनै गी जायज बनाने खलाफ कुल संसारी लड़ाई दा इक
अनवुट्ट हिस्सा दस्सदे होई इसी अपना पूरा समर्थन दिता ऐ संगठन दी ग्रे लिस्ट च
शामल कीते जाने दे बाद पाकिस्तान नै एफ.ए.टी.एफ दी जबरदस्त नुख्ताचीनी कीती ही
जेहदे बाद भारत नै एफ.ए.टी.एफ लेई अपना समर्थ दोहराया ऐ। संयुक्त राष्ट्र च
आतंकवाद रोधी हफते कोला बाहरें इक समारोह च भारत दे स्थाई प्रतिनिधि पी. हरीष
होरे आखेआ जे एफ.ए.टी.एफ दी विश्वसनीयता पर सोअल पुट्टने दी कोशश थमां
जायज चिंताएं दे बजाय जांच दे दायरे च औने दा डर मता लब्धा ऐ।

<><><><><><>

CM-IFFJK

जम्मू-कश्मीर दे मुख्यमंत्री उमर अब्दुल्ला होरें अज्ज जम्मू-कश्मीर दे प्रस्तावित अंतरराष्ट्री फिल्म महोत्सव (IFFJK-0226) बारै इक समीक्षा बैठक दी अध्यक्षता कीती। बैठक च जम्मू-कश्मीर दी सिनेमाई विरासत, सगगोसार सांस्ृतिक विरसे ते इक प्रमुख फिल्म निर्माण दी थाह दे रूप च एहदे समर्थ गी दर्शाने लेई इक बड़्डे वैश्विक कार्यक्रम दे तौर पर इस उत्सव दे आयोजन दी रूप-रेखा पर चर्चा कीती गई। मुख्यमंत्री होरें योजना गी पूरे ध्यान कन्नै तैयार करने, अंतरराष्ट्री मानकें ते सब्बे सरबन्धत धड़ें दी सक्रिय शमूलियत पर जोर पाया। तोआई, जम्मू-कश्मीर सरकार नै इस बरे 7 थमां 11 सितंबर तगर आयोजित होने आहले 5एं दिनें दे इस उत्सव लेई योजना, बाकी होर बंदोबस्त ते तालमेल दी दिक्ख-रिक्ख लेई इक उच्ची सतह दी आयोजन कमेटी दा गठन कीता ऐ।

<><><><><><>

Weather

मौसम विभाग नै अगले दो-त्रै दिनें लेई उत्तर प्रदेश, बिहार, मध्य प्रदेश, कर्नाटक दे समुंद्री इलाकें, कोंकण, गोवा ते कन्नै लगदे होई किश इलाकें च बड़ी तेज बरखा बरने दी चेतावनी जारी कीती ऐ। सिक्किम, असम, मेघालय, केरलम ते पच्छिम बंगाल दे गंगा कन्नै लगदे इलाकें च बी करीब इस्सै चाल्ली दे मौसम दी मेद जताई गई ऐ। मैहकमा मौसम दा आखना ऐ कि अगले दो-त्रै दिनें दरान छत्तीसगढ़ ते उत्तर पूर्वी इलाकें गी किश थाहरें गर्मी-लिश्कियै तेज बरखा ते अंधी-झक्खड़ बी झुल्ली सकदा ऐ।

<><><><><><>

Yatra-Token

श्री अमरनाथ जातरा लेई पुज्जारदे जात्रिएं दे जबरदस्त उत्साह दे बिच जम्मू दे जिला प्रशासन नै जातरा टोकन बंडडने दा पैहला ध्याड़ा कामयाबी कन्नै पूरा करी लैता ऐ। टोकन बंड केंद्र पर श्रद्धालुएं दियां लम्मियां लाइनां दिक्खियां गेइयां। जिला मैजिस्ट्रेट दे दफ्तर मूजब टोकन दा अज्जै दा कोटा पूरी चाल्ली अलाट करी दिता गेआ ऐ। जात्रिएं दा पंजीकरण कल थमां अपने तय समें मताबक शुरू होई जाहग। प्रशासन नै पंजीकरण प्रक्रिया गी सखल्ला बनाने ते श्रद्धालुएं दी अपेक्षित भीड़ गी दिखदे होई व्यापक बंदोबस्त कीते गे न। पंजीकरण प्रक्रिया दे दरान बिजन कुसै रूकावट दे सेवां उपलब्ध करोआने लेई लोड़चदे उपास कीते गेदे न।

<><><><><><>